

# 卷六十四

書名 北堂書鈔一百六十卷  
萬曆二十八年序刊本

撰者 唐 虞世南撰，明 陳禹謨 校併補注  
卷六十四

內容分類 子部類書 彙考 唐五代  
索書號 大木子部類書類-3  
編號 C5913000

彩色首頁1

[東洋文化研究所漢籍目錄 編號: C5913000](#)

[東洋文化研究所漢籍目錄所藏漢籍善本文影像資料庫 索書號: 大木子部類書類3](#)

[漢籍善本文影像資料庫文本 北堂書鈔一百六十卷 萬曆二十八年序刊本](#)

[版權所有: 東京大學 東洋文化研究所 使用上的注意事項](#)



東洋文化研究所藏  
北堂書鈔卷第一

帝王部

帝王總載一

帝王總載一

帝系二

奇表四

唐 姚江 虞世南 輯  
明海虞陳禹謨校并補註



帝者天號 正氣為帝 帝者

者天下之所往也

文子曰帝者天下之適也王者天下

冠有美名尤善玄言與叔父融俱好老易融與浩口  
 談則詞屈著篇則融勝浩由是為風流談論者所宗  
 或問浩曰將莅官而夢棺將得財而夢糞何也浩曰  
 官本臭腐故將得官而夢尸錢本糞土故將得錢而  
 夢穢時人以  
 為名言補

北堂書鈔卷第六十三

北堂書鈔卷第六十四

唐 姚江 虞世南 輯

明海虞陳禹謨校并補註

設官部十六

將軍總一百一 驃騎將軍一百二

車騎將軍一百三 中軍將軍一百四 附衛尉將軍

前後左右將軍一百五 護軍將軍一百六

領軍將軍一百七 左右將軍一百八

四征將軍一百十九 四鎮將軍一百十



伏波將軍二百一

奮威將軍 貳師將軍 橫野將軍 建威將軍  
雜號將軍 鎮遠將軍 偏將軍附

驍騎將軍二百二

殿中將軍 龍驤將軍 輔國將軍  
冠軍將軍 征虜將軍附

將軍總一百一

將軍周官也

周禮司馬職云天子六卿將軍皆命卿

將軍之號由來遠

矣 鶡冠子云人道何先曰先兵富則驕貴則羸兵者百歲不一用然可不一日忘也將軍之號由來遠矣

千萬之軍無則必亂

尸子曰千萬之軍無將軍則必亂

登車不軾

遭喪不服振旅撫師以征不服

漢書李廣傳云將軍者國之爪牙也司馬

法曰登車不軾遭喪不服振旅撫師以征不服萃三軍之心同戰士之力故怒形則于里竦威振則萬物伏是以各声暴於夷 結髮引袍而鼓 說苑云田單為

十萬將以攻翟往見魯仲連子仲連子曰將軍之攻翟必不能下矣單去上車不與言決攻翟三月而不能下齊嬰兒謠之曰大冠如箕長劍拄頤攻翟不能下壘於梧丘于是田將軍恐駭往見魯仲連子曰先生何以知單之攻翟不能下也仲連子曰夫將軍在即墨之時坐則織簣立則杖車為士卒倡將軍有死之心士卒無生之氣今將軍東有掖邑之封西有淄上之寶金銀黃帶騁乎淄澠之間是以樂生而惡死也田將軍明日結髮徑立矢石之所乃引袍而鼓之翟人下之故將者士之心也士者將之肢體也心猶豫支體不用田 出征授鉞朝堂 漢魏故事云夫遣將將軍之謂乎補 穰苴將兵扞燕 史記云齊景公召穰苴與語兵事大悅之以為將軍將兵扞燕晉之事

田單興師攻翟

說苑見上

亞夫細柳備胡

史記文帝後六年冬匈奴

三萬人入上郡三萬人入雲中以中大夫徐勉為車騎將軍軍飛狐故楚相蘇意為將軍軍句注將軍張



武屯北地河內守周亞夫為將軍居細柳宗正  
劉禮為將軍居霸上祝茲侯軍刺門以備胡補

### 驃騎將軍一百四

**位次丞相**

漢官儀云漢置驃騎將軍位次丞相漢  
百官志云驃騎將軍秩與大將軍同

**在公上**

漢雜事云董重為驃騎將軍位在公上續漢  
書百官志云舊制驃騎大將軍與大司馬相

**兼獲葷允之士**

漢書霍去病傳云去病騎兵車重與  
大將軍等而亡裨將悉以李敢等為

大校當裨將出代右北平二千餘里直左方兵所斬  
步功已多於衛青既皆還上曰票騎將軍去病率師  
躬將所獲葷允之士約輕齎絕大幕涉獲單于章渠  
以誅北車者轉擊左大將及獲旗鼓歷度難侯濟弓  
盧獲屯頭王韓王等三人將軍相國當戶都尉八十  
三人封狼居胥山禪於姑衍登臨瀚海執信獲醜七  
萬有四百四十三級師率減什二取食于敵卓行殊  
遠而糧不絕以五千八百戶益封票騎將軍後元狩

六年薨上悼之發屬國之甲軍陳自長安至茂陵為  
冢象祈連山補案服虔曰葷音熏葷允熏鬻也堯時

日熏鬻周曰儉允秦曰匈  
奴師古曰葷字與薰同

### 修水戰之具

謝後漢書張  
意為驃騎將

軍討東甌賊意修水戰之具浮  
海就攻一戰大破所向無敵也

### 修禮樂之制度

續漢書東

平憲王蒼傳明帝詔曰東平王蒼寬博有謀可以託  
六尺之孤其以蒼為驃騎將軍是時四方無虞蒼以  
天下化平宜修禮樂乃與公卿共議定南北郊冠冕  
車服制度及祖廟登歌八佾舞數蒼以親輔政盡心  
王室每有議事上未嘗  
不見從名稱曰重也

將軍置長史掾史四十人位在  
三公上辟當世名士虛已禮之

### 高選佐史

王隱晉書  
梁王彤傳

云彤為驃騎將軍置左右  
長史司馬高選佐史也

### 趙儼又手上輦

魏畧云故  
事四征有

官廚財籍遷轉之際無不因緣趙儼自西征為驃騎  
義手上車發到霸上忘持其常所服藥雍州聞之乃



追送雜藥材數箱儼笑曰人言語殊不異

**紀瞻止家**

我偶問所服藥耳何用是為耶遂不取

**為府** 晉書云紀瞻為驃騎將軍服物制度一按舊典遺使就拜止家為府案瞻性靜默少交游好

讀書或手自抄寫凡所著述詩賦牋表數十篇兼解音樂始盡其妙厚自奉養立宅于烏衣巷館宇崇麗

園池竹木有足賞翫焉

**東平王寬博有謀**

續漢書東平憲王傳

慎行愛士老而弥篤補曹植輔臣論云在朝廷則匡贊

前見**晉宣王戎** 果毅折衝厭難者司馬驃騎

**車騎將軍一百三**

**金印紫綬位次司空**

漢官儀云和帝以竇憲為車騎將軍賜金印紫綬位次司空

**銀印青綬位在卿上**

漢官儀云章帝以元舅馬防為車騎將軍服銀印青綬位在卿

**上位同九卿班同三府**

華嶠漢書云馬防行車騎將軍軍事位同九卿班同三府也

**馬防在九卿上絕坐**

漢雜事云章帝以城門校尉馬防為車騎將軍位在九卿上絕

**坐也鄧鴻在九卿上絕席**

東觀漢記云永平六年鄧鴻行車騎將軍位在九卿上絕

**席也拜金日磾於臥牀下**

漢書金日磾為車騎將軍拜于臥內牀下受詔輔少主

**引張溫於崇德殿下**

張璠漢記云張溫以司空拜加車騎將軍征韓遂丙辰引溫于

崇德殿下溫以軍禮長揖不拜也

**破單于登山紀功**

後漢書云竇憲拜車騎將軍金

印紫綬官屬依司空以執金吾耿秉為副發北軍五校黎陽雍營緣邊十二郡騎士及羌胡兵出塞明年

憲與乘各將四千騎及南匈奴左谷蠡王師子萬騎出朔方雞鹿塞南單于屯屠河將萬餘騎出滿夷谷

度遼將軍鄧鴻及緣邊義從羌胡八千騎與左賢王安國萬騎出捆陽塞皆會涿邪山憲分遣副校尉閻



盤司馬耿夔耿譚將左谷蠡王師子右呼衍王須訾  
等精騎萬餘與北單于戰於稽落山大破之虜眾奔  
潰單于遁走追擊諸部遂臨斯渠北鞬海斬名王以  
下萬三千級獲生口馬牛羊橐駝百餘萬頭于是温  
犢須日逐温吾夫渠王柳靬等八十一部率眾降者  
前後二十餘萬人憲秉遂登燕然山去塞三千餘里  
刻石勒功紀漢威 **殄羌賊獻捷振旅** 謝後漢書云皇  
德令班固作銘補 **殄羌賊獻捷振旅** 謝後漢書云皇  
車騎將軍討弁凉羌胡公卿百僚皆祖送于平樂觀  
又臨虜廷掃殄羌胡靡有孑遺卒整二州獻捷振旅  
也 **討武陵平定荊州** 謝後漢書云馮緄為車騎將軍  
悉詣營乞降進擊斬首四千餘級受降十 **破黃巾威**  
餘萬人荊州平定賜錢一億固辭不受 **破黃巾威**  
**震天下** 華嶠漢書云皇甫嵩字義真拜車騎將軍領  
須營幔修立然後就舍帳軍士皆食爾乃嘗飯嵩既  
破黃巾威震天下 案黃巾既平嵩奏請冀州一年

田租以贍飢民帝從之百姓歌曰天下大亂今沛  
為墟母不保子兮妻失夫賴得皇甫今復安居 **江**

**平征羌帝親幸府** 華嶠漢書云馬防字江平行車騎  
將軍事與長水校尉耿恭同征盧

水羌還帝親 **義真討胡百官祖送** 謝承後漢書  
駕幸其府 皇甫嵩見前 **劉琰**

**不預國政** 蜀志劉琰遷車騎將軍然不預國政  
但領兵千餘隨丞相亮諷議而已 **王堪**

**不能禦難** 晉諸公贊云王堪字世胄行車騎將軍征  
討諸軍事為敵所襲堪嘆曰我國家大將

不能禦難何面目復還朝  
廷遂至被害孝懷悼之

**中軍將軍一百四** 衛尉將軍撫  
軍將軍附

**中軍總宿衛** 晉起居注太始元年置中軍  
將軍總宿衛羊祜為之也 **衛軍掌兵**

**衛** 續漢書百官志云衛 **宋昌領北軍** 漢書文帝紀云  
尉將軍掌京師兵衛 既即位乃夜拜

上卷書少 卷下 五



中尉宋昌為衛將軍領南北軍也

### 宣王總西事

魏志云文帝以司馬宣王為撫軍大將軍

征吳召宣王曰朕委卿蕭何之任不亦可乎車駕虞

還詔曰吾東撫軍當總西事汝西撫軍當總東事

### 潭屢統軍旅

晉書云虞潭進衛將軍潭貌雖和弱而內堅明有膽決雖屢統軍旅而尠有傾

敗補案潭以宗正告歸會王含沈充等攻逼京都潭遂于本縣招合宗人及郡中大姓共起義軍眾以數

萬自假明威將軍領會稽內史潭即受命義眾雲集時有為冠軍將軍

野鷹飛集屋梁眾咸懼潭曰起大義而剛驚之鳥來集破賊必矣遣長史孔坦領前鋒過浙江追躡充潭

次于西陵為坦後繼會充已擒罷兵附

### 前後左右將軍一百五

### 為國虎臣

漢書云辛慶忌為左將軍慶忌居處恭儉食飲被服尤節約然性好輿馬號為鮮明

昨是為奢為國虎臣遭世承平匈奴西域親附敬其威信補

### 為國爪牙

漢官儀云西夷有前後左右將軍為國爪

牙所以揚示威靈折衝萬里

### 金印紫綬

漢書解詁云前後左右將軍皆周末官秦因之位上卿金印

紫綬皆掌兵及四夷有長史秩千石

### 位諸卿上官

解詁云前後左右將軍宣元以後雖不出征猶有其官位在諸卿上也

### 常惠勤勞有功

漢書云常惠代蘇武為典屬國明習外國事勤勞數有功為右將軍也

### 師丹廉直守位

漢書云師丹以廉直守位為左將軍定冊立宣帝

### 持節攻河東

後漢書云鄧禹字仲華為前將

遣西入關建武元年正月禹自箕關將入河東河東都尉守關不開禹攻十日破之獲輜重千餘乘進圍

安邑數月未能下更始大將軍樊參將數萬人度大陽欲攻禹禹遣諸將逆擊於解南大破之補

不許複製

NOT TO BE REPRODUCED



**則持軍甚嚴整**

魏志云于禁字文則遷左將軍解節

入案魏太祖使曹仁討關羽于樊遣禁助仁時秋

大霖雨漢水溢平地水數丈禁等七軍皆沒遂降惟

龐德不屈節而死太祖聞之哀歎者久之曰吾知禁

三十年何意臨危處難反不如龐惠耶禁復在吳文

帝踐作權稱藩遣禁還帝慰喻以荀林父孟明視故

事後欲遣使吳先令北詣鄴謁高陵帝使豫于陵屋

畫關羽戰克龐惠忿怒禁降

服之狀禁見慙恚發病薨

**公明持軍遠斥候**

魏志云徐

晃字公明為右將軍性儉約畏慎將軍遠斥候先為

不可勝然後戰追奔爭利士不暇食常歎曰古人患

不遭明君今幸遇之當以功自

**馳至金城圖上方畧**

漢書云趙充國為後將軍年七十餘時西羌反上老

充國使御史大夫丙吉問誰可將者充國對曰亡踰

於老臣者矣上遣問焉曰將軍度羌虜何如當用幾

人充國曰百聞不如一見兵難踰度臣願馳至金城

圖上方畧然羌戎小夷逆天背畔滅亡不

久願陛下以屬老臣勿以為憂上笑曰諾

**不願宿衛**

晉書云郭默為右將軍樂為邊將不願宿

衛及赴召謂平南將軍劉胤曰我能禦胡

而不見用右軍主禁兵若疆場有虞被使出征方始

配給將率無素恩信不著以此臨敵少有不敗矣時

當為官擇才若人臣自

**解綬賜仲都**

東觀漢記云李

擇官安得不亂乎補

**使兵隨蒲籠**

魏志云蒲籠字

將軍封武侯辭時無綬

上解所佩綬以賜之

**李將軍後**

伯寧拜前將軍

領豫州刺史代曹仁督揚州諸軍事汝南

兵民戀慕大小相率奔隨道路不可禁止

**期責之莫府**

漢書云李廣為前將軍與右將軍趙食

其合軍出東道惑失道後大將軍太將

軍使長史持糒醪遺廣因問廣食其失道狀曰青欲

上書報天子失軍曲折廣未對大將軍長史急責廣

之莫府上簿廣曰諸校尉亡罪乃我自失道吾今自

上簿至莫府謂其麾下曰廣結髮與匈奴大小七十

七

七

七

七



北堂書金  
餘戰今幸從大將軍出接單于兵而大將軍徒廣部  
行回遠又迷失道豈非天哉且廣年六十餘終不能  
復對刀筆之吏矣遂引刀自剄百姓聞之知與不知  
老壯皆為垂泣而右將軍食其獨下吏當死贖為庶  
人  
**趙食其失道贖為庶人**  
見上

### 護軍將軍一百六

**護軍秦官**

漢書百官公卿表云護軍將軍  
軍從秦官舍人李斯為之

**武士管籥**

南

謚集云護軍武士  
士軍之管籥

**典選武**

晉起居注云秦始皇七年詔  
曰中護軍與領軍史皆掌禁

兵典  
**盡護諸將**

史記陳平降漢拜為都尉時絳侯灌  
嬰等咸讓之漢王疑召平曰先生事

魏不中遂事楚而去今又從吾游信者固多心乎平  
曰臣事魏王魏王不能用臣說故去事項王項王不

能用人其所任愛非諸項即妻之昆弟雖有奇士不  
能用平乃去楚聞漢王之能用人故歸大王臣願身

來不受金無以為資誠臣計畫有可采者願大王用  
之使無可用者金具在請封輸官得請骸骨漢王乃

謝厚賜拜為護軍  
中尉盡護諸將

**總統諸將**

魏畧司馬景王代夏侯  
玄為護軍將軍總統諸

軍主武  
**隨何說英布**

史記高祖紀云漢王與楚大戰  
彭城不利謁者隨何將二十人

使淮南說英布背楚歸  
漢乃拜何為護軍將軍

**應詹滅王敦**

王晉書應詹傳  
云時王敦作逆

明帝問詹計將安出詹厲然慷慨曰陛下宜當赫斯  
之威臣等當得負戈前驅庶憑宗廟之靈有征無戰

如其不然王室必危帝以詹為都督  
前鋒軍事護軍將軍以滅敦也

**太初拔用俊傑**

世語曰夏侯玄字太初玄世名知人為中  
護軍拔用武官參戟牙門無非俊傑

**景王舉不**

**越功**

王晉書云景王為護軍將軍  
軍作選用之法舉不越功

**任役在平**

晉中興  
書王羲

之為護軍將軍教  
案羲之本傳云羲之授護國將  
軍不拜揚州刺史殷浩素雅重之勸使應命乃遺羲



之書義之報曰吾素自無廊廟直王丞相時果欲內  
 吾誓不許之手跡猶存由來尚矣不于足下參政而  
 方進退自兒娶女嫁便懷尚子平之志數與親知言  
 之非一日也若蒙驅使關龍巴蜀皆所不辭吾雖無  
 專對之能直謹守時命宣國家威德固當不同于凡  
 使必令遠近咸知朝廷留心于無外此所益殊不同  
 居護軍 **與參謀議** 後漢書班固傳云大將軍竇憲出  
 也 **問以時事** 魏志云夏侯玄遷中護軍太傅司馬宣  
 之柄也故銓衡專于臺閣上之分也孝行 **子通上疏**  
 存乎閭巷優劣任之鄉人下之敘也

**詔曰微君吾弗聞斯言**

魏志云蔣濟字子通遷護軍將軍景初中外勤征役內務

宮室怨曠者多而年穀飢儉濟上疏曰凡使民必須  
 農隙不奪其時夫欲大興功之君先料其民力而燠  
 休之勾踐養胎以待用昭王恤病以雪仇故能以弱  
 燕服強齊羸越滅勁吳今二敵不攻不滅不專即侵

當身不除百世之責也以陛下聖明神武之畧舍其  
 緩者專心討賊臣以為無難矣又歡娛之耽害于精  
 爽神太用則竭形太勞則弊願大簡賢妙足以充百  
 斯男者其冗散未齒且悉分出務在清淨詔曰微護  
 軍吾弗聞 **元嗣留鎮太祖曰安可以無護軍** 魏書云  
 斯言也 **元嗣** 為中護軍從太祖討張魯議者以浩智畧足以  
 緩邊欲留諸軍鎮漢中太祖曰吾安可以無護軍乃  
 與俱還其見 **安國擊匈奴充國擊武都** 漢書百官公  
 親任如此

國以護軍將軍擊匈奴趙充 **召吏收朱祐** 後漢書云  
 國為大將軍都尉擊武都 **召吏收朱祐** 朱祐為護  
 軍嘗見親幸舍止于中祐侍燕從容曰長安政亂公  
 有日角之相此天命也世祖曰召刺姦收護軍祐乃  
 不敢復言 案注云王莽置左右刺姦使督姦猾補  
 東觀記曰上在長安時嘗與祐共買蜜合藥上追念  
 之賜佑白蜜一石問何如在長 **聞謠問蔣濟** 魏畧云  
 安時共買蜜平其親厚如此附

**聞謠問蔣濟** 魏畧云

蔣濟為

上堂書少

卷之

九



護軍時謠言欲求牙門當得千區宣王與濟善以問濟濟無以解之因戲曰洛下一錢不足則不可行也

**親幸莫與為比**後漢朱祐見前**病卒流涕累日**蜀志云法正為謗軍將軍

以病卒先主為**陳平參乘絳灌讒之**史記陳平見前**周顛失**

**儀為有司所奏**晉書云周顛代戴若思為護軍將軍尚書紀瞻置酒請顛及王導等顛荒

醉失儀為有司所奏**今誠乏才豈可以趙泳居之**晉中興書云司徒王導以

趙泳為護軍宛愉謂導曰中興以來處此官者周伯仁應思遠今誠乏才豈可以趙泳居之

### 領軍將軍一百七

**總六軍之要兼選舉之機**魏畧中領軍職云**掌監五營**續漢書百

官志云北軍中候一人秩六百石掌監五營魏畧云中領軍延康中置故漢北軍中候之官也**皆領**

**禁兵**魏志云韓浩者河內人及沛國史渙與浩俱以忠勇顯浩至中護軍渙至中領軍皆掌禁兵封

列侯補案魏書云太祖欲討柳城領軍史渙以為道遠深入非完計也欲與浩共諫浩曰今兵勢強盛威

加四海戰勝攻取無不如志不以此時遂除天下之患將為後憂且公神武舉無遺策吾與君為中軍主

不宜沮眾遂從破柳城補**脩車馬戒不虞**漢官解詁云中壘城門

戒不虞應劭注**辭不復入**王隱晉書云羊祜字叔子

云漢掌兵官**自表去官**晉書紀瞻傳

殿中執兵之專事監兼內外**武朝廷稱其忠亮雅正俄轉領軍將軍當時服其嚴**

毅雖恒疾病六軍敬憚之瞻以久病請去官不聽復加散騎常侍及王敦之逆帝使謂瞻曰卿雖病但為

朕臥護六軍所益多矣乃賜布千匹瞻不以歸家分賞將士賊平復自表還家帝不許補**與上殿參定謀策**晉中興書云紀瞻拜領軍會錢

上堂書少



鳳作逆詔土殿 韓伯從容養病 晉起居注武帝泰始四年詔曰尚書韓伯

陳疾解職漢軍閑無上直之勞可 紀瞻臥鎮六軍 晉書

得從容養疾更以伯為領軍將軍 紀瞻

見前 曹義賓客盈坐 傳玄子云安鄉亭侯曹義為領軍將軍慕周公之下士賓客盈

也 吳隱之分祿親族 晉書云吳隱之遷中領軍清儉

餘悉分振親族家人紡績以供朝夕時有困絕或并 嫁女謝石知其貧素遣女必當率薄乃令移厨帳助

其經營使者至方見婢牽犬賣之此外蕭然無辦 附

左右將軍一百八

王濟領兵未欲轉之 山濤啓事云右衛將軍王濟誠

也 葛冲領兵未欲出之 山濤啓事云遊擊將軍諸葛

欲出之也 許褚為文帝親近 魏志云許褚從太祖

遂起等單馬會語左右皆不得從唯將褚超負其力

陰欲前突太祖素聞褚勇疑從騎是褚乃問太祖曰

公有虎侯者安在太祖顧指褚褚瞋目盼之超不敢

動乃各罷後數日會戰大破超等褚身斬首級遷武

衛中郎將武衛之號自此始也軍中以褚力如虎而

癡故號曰虎癡後文帝踐祚進封萬歲亭侯遷武衛

將軍都督中軍宿衛 虞胤為明帝所昵 晉書云虞胤

禁兵甚親近馬補 與南頓王宗俱為明帝所昵並典禁兵及帝不豫宗

以陰謀發覺事連胤帝隱忍不問徙胤為宗正卿補

文度共輔幼主 晉書云王坦之字文度領左衛將軍

世瑜親侍至尊 晉中興書云劉超字世瑜

流涕 傳玄子云曹攄為武衛大縱酒作樂酒酣起為

上堂書少

卷之四

二



遠少厲志操博學有才藻仕晉辟公府歷洛陽令有能名大司馬齊王周輔政據與齊人左思俱為記室督從中郎出為襄陽太守征南司馬劉超攀轂悲哀案超本傳云蘇峻遷車駕石頭時天大雨道路沈陷超與侍中鍾雅步侍左右賊給馬不肯騎而悲哀慷慨峻聞之甚不平然未加害而以其所親信許方等補司馬督殿中監外托宿衛內實防禦超等時飢饉米貴峻等問遺一無所受繾綣朝夕臣節愈葛冲精果擬兗州山濤啓諸葛冲見前下蘭才學加散騎恭補葛冲精果擬兗州葛冲見前下蘭才學加散騎魏志云下蘭少有才學為游擊將軍加散騎常侍

### 四征將軍一百九

治軍整齊華嶠後漢書云岑彭說降朱鮪遷征南將軍治軍整齊秋毫無犯案范後漢書岑

彭傳云初公孫述聞漢兵在平曲故遣大兵逆之及彭至武陽繞出延岑軍後蜀地震駭述大驚以杖擊地曰是何神也彭所營地名彭亡聞而惡之欲徒會日暮蜀刺客許為亡降奴夜刺殺彭神范史論曰中興將帥立功名者眾矣唯岑彭馬異建方面之號自函谷以西方城以南兩將之功實為大焉若馮賈之不伐岑公之義信乃足以感三軍而懷敵人故能尅成遠業終全其慶也昔高祖忌相人之名違之以全福征南惡彭亡之地留之以生災豈與士簡易後漢書云耿康為征西將軍出西域羊祐為征南江浦馳義康鎮撫于匈奴懷其信據險要開建五城收膏腴之地奪吳人之資於是江浦馳破赤眉於嶠底會鄧禹率車騎將軍鄧弘等引義也破赤眉於嶠底



歸與異相遇禹弘要異共攻赤眉異曰上今使諸將屯龜池要其東而異擊其西一舉取之此萬成之計也禹弘不從弘遂大戰移日赤眉陽敗棄輜重走車皆載土以豆覆其上兵上飢爭取之赤眉引還擊弘弘軍潰亂大為所敗異與麾下數人歸營收其散卒招集諸營保數萬人與赤眉約期會戰大破於崤底降璽書勞異曰赤眉既平士吏勞苦始雖垂翅回谿終能奮翼龜池可謂失之東隅收之桑榆方論功賞以荅大習水軍於三州魏志云王昶為征南將軍假節都督荆豫諸軍事乃表徙治新野習水救散卒奮翼龜池後漢馮異見上將銳卒虎步軍於三州

**江南** 魏志曹休為征東將軍假黃鉞督張遼等及諸州郡

二十餘軍擊權大將軍呂範張遼持戟先登文帝謂等於洞浦破之拜揚州牧補

**之邵虎** 魏志云張遼為征東將軍征孫權遼被甲持戟先登陷陣殺數十人斬二將文帝謂之邵

**虎** **曹仁披甲破賊三軍皆曰天人** 魏志云曹仁為征南將軍留屯江陵

拒吳將周瑜將數萬眾來攻前鋒數千人始至仁登城望之乃募得三百人遣部曲將牛金逆與挑戰賊多金眾少遂為所圍金等垂沒左右皆失色仁意氣奮怒遂披甲上馬將其麾下壯士數十騎出城直前衝入賊圍金等乃得解餘眾未盡出復直還突之拔出金兵亡其數人賊眾乃退長史陳矯等初見仁出皆懼及見仁還乃歎曰將軍真天人也三軍服其勇太祖益壯之補

**年老徵還** 魏志云趙寵為征東將軍以年老徵還遷老疾求還 魏志云趙為太尉寵不治產業家無餘財

將軍督雍涼以老疾求還

### 四鎮將軍一百十

**開邊據險** 魏志云劉靖遷鎮非將軍假節都督河

上堂書少 卷之四 三



使民夷有別遂開拓邊守屯據險要又修廣房渠陵  
大塢水漑灌薊南北三更種稻邊民利之補案應璩  
書與靖曰入作納言出臨京任富民之術日引月長  
藩落高峻絕穿窬之心五種別出遠水火之灾農器  
必具無失時之闕蠶麥有苦備之用無雨濕之虞封  
符指期無流連之吏鰥寡孤獨蒙廩振之實加之以  
明適幽微重之以秉憲不撓有司供承王命百里  
垂拱仰辦雖昔趙張三王之治未足以方也附鑿

### 山通道

魏志鄧艾為征西將軍都督隴右諸軍事艾  
造作橋閣山高谷深至為艱險又糧運將匱頻于危  
始艾以羶自裹推轉而下將士皆攀木緣崖魚貫而  
進先登至江油蜀守將馬邈降至成都蜀主劉禪遣  
使奉皇帝璽綬為箋請艾請降補案詔曰艾耀威奮  
武深入虜庭斬將擐旗梟其鯨鯢使僭號之主稽首  
係頸歷世逋誅一朝而平兵不踰時戰不終日雲徹  
席卷蕩定巴蜀雖白起破強楚韓信克勁趙吳漢  
禽子陽亞夫滅七國計功論美不足比勲也附深

### 入虜庭

見拓平西夏

魏志云鍾會為鎮西將軍詔曰

城固羅逆逸蜀之豪帥面縛歸命謀無遺策舉無廢  
功凡所誅動以萬計全勝獨克有征無戰拓平西夏  
方隄清

### 隴西王秉心誠亮

晉起居注武帝詔曰關中  
內屏京畿外藩河右北扞

戎狄南鎮巴漢宜任懿親以靜  
西土隴西王素秉心誠亮云云

### 魯芝鎮西恪勤在公

晉錄云鎮西將軍魯芝恪勤在公不營  
私門素無華宅便軍兵作屋五十間

### 曹休為鎮南

### 車駕臨送

魏志云曹休為鎮南將軍車  
駕臨送乃下輿執手而別

### 鄧艾為鎮西

### 劉禪奉璽

魏志鄧艾見上黃權道隔降魏  
蜀志云黃權為鎮

以防魏師先主自在江南及吳將軍陸議乘流斷圍  
南軍敗績先主引退臨道橋艷雅先主曰孤負黃權  
櫛不負孤也待之如初補案裴松之以為漢武用虛



使民夷有別遂開拓邊守屯據險要又修廣房渠陵  
大場水溉灌薊南北三更種稻邊民利之補案應璩  
書與靖曰入作納言出臨京任富民之術日引月長  
藩落高峻絕穿窬之心五種別出遠水火之災農器  
必具無失時之闕蠶麥有苦備之用無雨濕之虞封  
符指期無流連之吏鰥寡孤獨蒙廩振之實加之以  
明適幽微重之以秉憲不撓有司供承王命百里  
垂拱仰辦雖昔趙張三王之治未足以方也附鑿  
**山通道** 魏志鄧艾為征西將軍都督隴右諸軍事艾  
造作橋閣山高谷深至為艱險又糧運將匱頻于危  
殆艾以擅自裹推轉而下將士皆攀木緣崖魚貫而  
進先登至江油蜀守將馬邈降至成都蜀主劉禪遣  
使奉皇帝璽綬為箋詣艾請降補案詔曰艾耀威奮  
武深入虜庭斬將擐旗梟其鯨鯢使僭號之主稽首  
係頸歷世逋誅一朝而平兵不踰時戰不終日雲徹  
席卷蕩定巴蜀雖白起破強楚韓信克勁趙吳漢  
禽子陽亞夫滅七國計功論美不足比勲也附深

**入虜庭**

見拓平西夏

魏志云鍾會為鎮西將軍詔曰

城固羅逆逸蜀之豪帥面縛歸命謀無遺策舉無廢  
功凡所誅動以萬計全勝獨克有征無戰拓平西夏  
方隅清晏補隴西王秉心誠亮晉起居注武帝詔曰關中  
戎狄南鎮巴漢宜任懿親以靜西土隴西王素秉心誠亮云云

魯芝鎮西恪勤在公

曹休為鎮南

鄧艾為鎮西

車駕臨送 魏志云曹休為鎮南將軍車

劉禪奉璽 魏志見上黃權道隔降魏蜀志云黃權為鎮

以防魏師先主自在江南及吳將軍陸議乘流斷圍  
南軍敗績先主引退而道隔絕權不得還故率將所  
領降于魏有司執法白收權妻子先主曰孤負黃權  
權不負孤也待之如初補案裴松之以為漢武用虛

上卷書少



妄之言滅李陵之家劉主拒憲司所執  
 宥黃權之室二主得失縣邈遠矣附  
**許允散放官**  
 物魏氏春秋云許允為鎮非將軍都督河北諸軍  
 事未發以散放官物收付廷尉徙樂浪道死

**驍騎將軍卓三**

殿中將軍 龍驤將軍 輔國將軍  
 冠軍將軍 征虜將軍附

**驍騎漢官建武始改**  
 漢官儀云驍騎漢官也武帝以

改屯 **出鴈門**  
 漢書云李廣為驍騎將軍後四歲出鴈  
 門擊匈奴匈奴兵多破廣軍生得廣單

于素聞廣賢令曰得李廣必生致之胡騎得廣廣時  
 傷置兩馬間絡而盛之臥行十餘里廣陽死睨其傍

有一兒騎善馬暫騰而上胡兒馬因抱兒鞭馬南馳  
 數十里得其餘軍匈奴騎數百追之廣行取兒弓射

殺追騎以 **出北塞**  
 魏畧云任城威王彰行驍騎將軍  
 故得脫補 **出北塞** 出北塞為虜寇所要彰獨與麾下

數百騎突虜王圍之曰 **馬成勤勞徵還**  
 後漢馬成拜  
 我黃鬚兒竟大也

中山以備北邊并領建義大將軍朱祐營又代  
 驍騎大將軍杜茂繕治障塞自西河至渭橋河上至

安邑太原至井陘中山至鄴皆築保壁起烽燧十里  
 一候在事五六年帝以成勤勞徵還京師邊人多上

書求請者復 **選各家以參顧問**  
 晉起居注云殿中將  
 遣成還屯補

名家以參顧問始用 **用才學以開視聽**  
 語林云庾公  
 琅邪王茂之奏也

中將軍舊用才學之士以開 **何公為人勇士**  
 漢桓帝  
 視聽而頓悉用面墻之人也

時出遊河上忽有一青牛從河中出直走盪桓帝太  
 尉何公時為殿中將軍為人勇力走往逆之手攬其

右足牛見公反走 **祭遵憂國奉公**  
 華漢書祭遵為征  
 還河按何公進

賊弩中遵洞出流血眾見遵傷稍引退 **胡奮涉練戎**  
 遵呼叱止之士卒戰皆自倍遂大破之

**事** 晉起居注武帝詔曰議郎胡 **叔源求領戎行**  
 奮有文武才幹涉練戎事

上 晉書少 卷之四 五



云謝混字叔源求領戎行拜征虜將軍案晉書混本傳云桓玄嘗欲以安宅為營混曰召伯之仁猶惠及甘棠文靖之德更不保五畝之宅邪玄聞慙而止附

**無忌乞解所任**

晉起居注輔國

將軍何無忌表云云案晉書無忌本傳無忌為輔國將軍南追桓玄玄龍驤將軍何澹之率軍來戰澹之常所乘舫旌旗甚盛無忌曰賊帥必不居此欲詐吾耳宜亟攻之眾咸曰澹之不在其中徒得之無益無忌謂振武將軍劉道規曰今眾寡不敵戰無全勝澹之雖不居此舫取則易獲因縱兵騰之可以一鼓而敗也道規從之遂獲賊舫因傳呼曰已得何澹之矣賊中驚擾無忌之眾亦謂為然道規乘勝徑進無忌又鼓譟赴之謝琰拒氏賊晉書謝琰傳云謝安以澹之遂潰補謝琰有軍國才用出為輔國將軍以精兵八千王濬謀伐吳晉書羊祜傳時吳人距氏破賊有勳焉王濬謀伐吳有童謠歌曰阿童復阿童街刀浮渡江不畏岸上獸但畏水中龍祜聞之曰此必水軍有功但當思應其名者耳會益州刺史

史王濬徵為大司農祜知其可任濬又小字阿童因表留濬監益州諸軍事加龍驤將軍以伐吳也補

**伏波將軍百十二**

奮威 貳師 橫野 建威 雜號 鎮遠 偏將軍附

**馬援朝見次九卿**

後漢書云馬援為伏波將軍鎮旅還京師賜援兵車一乘朝見位次

**九卿呂布假節比三司**

魏志云呂布為奮威將軍假節比三司與司徒王允共秉政事

**發騎擊匈奴**

漢書云李廣為貳師將軍發屬國六千騎及郡國少年萬人擊匈奴引兵

**擊高峻**

續漢書云王常拜橫野大將軍位次九卿諸將絕席引兵擊高峻

**伯昭所向**

**陷敵**

後漢書云耿弇字伯昭為建威將軍詔弇進攻漁陽弇以父據上谷又兄弟無在京師者自疑

不敢獨進上書求詣洛陽詔報曰將軍出身舉宗為國所向陷敵功效尤著何嫌何疑而欲求徵且與王常共屯涿郡勉思方畧况聞弇求徵亦不自安遣舒弟國入侍帝善之補

**公明長驅入敵**



魏志徐晃字公明為橫野將軍太祖遣晃討關羽太  
 祖令曰賊圍塹鹿角十重將軍致戰全勝遂陷賊圍  
 多有斬首虜吾用兵三十餘年及所聞古之善用兵者  
 未有長驅徑入敵圍者也且樊襄陽之在圍過於莒  
 卽墨將軍之功踰孫武穰苴晃振旅還摩陂太祖迎  
 晃七里置酒大會太祖舉卮酒勸晃且勞之曰全樊  
 襄陽將軍之功也時諸軍皆集太祖案行諸營士卒  
 咸離陣觀而晃軍營整齊將士駐陣不動太祖嘆曰  
 徐將軍可謂有周  
**徐晃駐陣不動**見張遼潰圍以出  
 亞夫之風矣補  
**復入**魏志云張遼為雜號將軍守合肥為孫權所圍  
 遼左右麾圍直前急擊圍開遼將麾下數十人  
 得出餘眾號呼曰將軍棄我  
**王霸可以獨任**後漢書  
 乎遼復還突圍拔出餘眾補  
 云帝以霸時兵愛士可獨任拜為偏將軍補案時王  
 郎起光武至薊郎移檄購光武光武令霸至市中募  
 人將以擊郎市人皆大笑舉手揶揄之霸慚據而還  
 光武卽南馳至下曲陽傳聞王郎兵在後從者皆恐

及至滹沱河候吏還白河水流漸無船不可濟官屬  
 大瞿光武令霸往視之霸恐驚眾欲取前阻水還卽  
 詭曰水堅可渡官屬皆喜光武笑曰候吏果妄語也  
 遂前比至河河水亦合乃令霸護渡未畢數騎而水  
 解光武謂霸曰安吾眾得濟免者卿之力也霸謝曰  
 此明公至德神靈之祐雖武王白魚之應無以加此  
 光武謂官屬曰王霸權  
 以齊事殆天瑞也附  
**魏延委以重任**蜀志云先主  
 漢中鎮遠將軍領漢中太守一軍盡驚先主大會羣  
 臣問延曰今委卿以重任卿居之欲云何延對曰若  
 曹操舉天下而來請為大王吞之先主稱善眾咸壯其言補  
 眾至請為大王吞之先主稱善眾咸壯其言補  
**不拘科制**魏志云夏侯惇字元讓為伏波將軍領  
 尹如故使得以便宜從事不拘科制  
**德無意人物**會稽典錄云謝淵字休德為建武  
 將軍雖在戎掖猶無意人物也



北堂書鈔卷第六十五

唐姚江 虞世南 輯

明海虞陳禹謨校并補註

設官部十七

太子太師一百十三 太子太傅一百十四

太子太保一百十五 太子少傅一百十六

太子詹事一百十七 太子左右衛率二百六

太子太師一百十三

先王之建立太子必擇九德之師六行之傳

薛綜少  
傅表